

U 7 Bellu

Quandu à lu 63
L'aghju vistu fuor di l'onda
L'aghju datu un piacè
Lu me core à a seconda
Noi pensemu di pudè
Campà insieme una stonda

Mà senza pietà per mè
C'hè issu scemu furibondu
Chì l'hà chjosa, caru rè
E purtatu in lu so mondu
'nduve l'un si pò sapè
Ind'hè a cima ind'hè u fondu

Avà pensu è ripensu
A lu mio tristu destinu
S'ellu ùn hà più nisun sensu
Ghjè causa d'un arlichinu
Senza la mio luca amata
Sò una ombra malavviata

Dumane è pò dumane
Ore viote mischine
Chì di ghjorni in settimane
Mi trascinanu à a fine
A l'ultima figuretta
Di la mio pazza storietta

Mà strapperaghju issa funa
Chè tira cun furore
Chjameraghju a furtuna
Pè fà compie issu dolore
Storia ùn hè aghju chè una
E ne vogliu esse l'autore

Cun la mio cara ritrova

Camperemu in armunia
Feremu una vita nova
Di piacè è d'allegria
E tuttu ùn sarà chè ghjocu
Pè noi altri in ogni locu

Più felice chè i rè
Cun li so valletti cari
Le so donne, quattru è trè
Son'lu sette a danari
'nd'a primera eiu sò quellu
Cugnumatu sette bellu